

3. juni 2016

Tunumi aalisarnikkut piniarnikkullu inuussutissarsiutinik ineriartortitsinissaq, tassungalu ilanngullugu tunitsivinnik attanneqarsinnaasunik pilersitsinissaq kiisalu Ittoqqortoormiuni, Tasiilami eqqaannilu aalisariutinik ineriartortitsinissamut pitsaasunik tunngavissaqarnissaq pillugit apeqquteqaat aallaavigalugu oqallinnissamik siunnersuut.

(Inatsisartunut ilaasortaq Hans Enoksen, Partii Naleraq)

Tunumi aalisarnikkut piniarnikkullu inuussutissarsiutinik ineriartortitsinissat pillugit apeqquteqaat aallaavigalugu oqallinnissamik siunnersuut Siumumiit imaattumik oqaaseqarfigissuarput.

Ilumoorpoq nunarput tamaat ataatsimut isigissagaanni inuussutissarsiutit pingaarnersaat eqqarsaatigalugu atugassarititaasut assigiinngittorujussuarmik atugassaqaartsitsipput.

Tunitsiveqarnikkut angallateqarnikkullu sineriatta ilaani qujanaqisumik suariartorneq sukkasuumik unammilleqatigiiffiusuni ingerlavoq. Unammilleqatigiiffiunngutsunili assorujussuaq kipiluttunartumik suli ingerlasoqarnera ilisimavarput.

Taamaakkaluartoq malunnaatilimmik siuarsaasoqarpoq tunitsivitsigut angallateqarnikkullu. Tamatumunnga tunngaviulluinnarluni uneqattaarpallaangitsumik aalisarnerup ingerlanneqalernera, taamaattumillu nunaqarfiit illoqarfiillu nunatta kangianiittut soorunalumi nunatta sinneraniittut ataqatigiissillugit assigiimmik ineriartortinneqartariaqarput.

Inoqarfiit eqqarsaatigalugit ilaatigut suli piniarnerinnavimmik inuussutissarsiortoqarpoq. Taakkununga aamma atugassarititaasut pitsaanerpaajunngillat, taamaammallu pineqartoq eqqarsaatigalugu Sermersuup Kommunia peqatigalugu ineriartortsitsineq saneqqunneqarsinnaanngilaq, suliniutip unittuunnginnissaa qulakkeerneqassappat. Illumi sanaaq isasuussanngippat qulaaniit aallartinnagu toqqavianiit sananeqartariaqarmat.

Nunatsinni atukkat pitsaanerulersissagutsigit suliffissat ataavarsinnaasut aallartisarnissaat saneqqussinnaanngilarput, pilertortumillu aallartittoqassappat tunitsiviit puttasut periarfissanut aamma ilaatinneqartariaqarput.

Aalisakkat piniakkallu eqqarsaatigalugit pisassiissutigineqartartut minnerpaaffissaminniitinneqartut aamma annertusitinneqarnissaat suliassatsinnut sallernut ilaapput. Taamaammat aalisartut piniartullu ilisimasaat kiisalu uumasorsiuut paasisaat oqimaaqatigiisilluinnarlugit ingerlatsinissaq pisariaqarpoq.

Taamatut oqaaseqarluta Inatsisartut oqaaseqaatissaattut siunnersuut Siumumiit taperserparput.

Jess Svane
Siumut